



..... 3.6.2009. godine

## Svim medijima

### **Akcija obilježavanja 5. juna Svjetskog dana životne sredine – "Tvoja planeta te treba!"**

Svjetski dan životne sredine je pokrenut davne 1972. godine od strane Generalne skupštine Ujedinjenih Nacija, a ove godine se obilježava u nekoliko stotina gradova u više od 100 država širom svijeta. Obilježavanje ovog važnog 'ekološkog' datuma predstavlja jedan od osnovnih načina na koje Ujedinjene nacije podstiču podizanje svijesti o životnoj sredini i pojačavaju političku pažnju i aktivnosti. Već treću godinu za redom tema ovog dana su klimatske promjene, što dovoljno govori o važnosti ovog pitanja kojem se kod nas ne poklanja dovoljna pažnja.

Da bi se takvo stanje promijenilo, Grupa Energija će 5. juna, povodom obilježavanja Svjetskog dana životne sredine, organizovati različite aktivnosti u 11 mjesta širom BiH (Banjaluka, Livno, Tuzla, Doboј, Konjic, Lopare, Sarajevo, Široki Brijeg, Srebrenica, Ključ i Zenica). Aktivnosti će se provesti u petak 5. juna, a detaljna satnica pojedinih aktivnosti se može dobiti od koordinatora aktivnosti.

Akcija "Tvoja planeta te treba!" se organizuje u okviru kampanje "Učešće javnosti u izradi energetske strategije u BiH", koja se realizira u saradnji sa Fondacijom Heinrich Boll. Cilj kampanje je informisati javnost o važnosti efikasnog korištenja energije i upotrebe obnovljivih izvora energije, te kroz uključivanje u proces izrade energetske strategije BiH, osigurati održivu energetske budućnost na ovim prostorima.

Glavne aktivnosti na akcijama u pojedinim mjestima će se sastojati od podjele letaka sa informacijama o problemu klimatskih promjena, šta se kod nas radi po pitanju klimatskih promjena i aktivnostima koje je potrebno započeti što prije. Takođe, građani će imati priliku adresirati 'razglednice' ministrima nadležnim za pitanja energije u Savjetu ministara BiH i entitetskim vladama.

#### **Kontakt:**

Miodrag Dakić (Centar za životnu sredinu), koordinator kampanje – [miodrag.dakic@czzs.org](mailto:miodrag.dakic@czzs.org), 051 433 140, 066 246 499

*Grupa Energija su udruženja opredjeljena za aktivno učešće u izradi i praćenju provođenja energetske strategije u BiH. Članstvo u Grupi Energija je otvoreno za sve pojedince i udruženja koji prihvate ciljeve kampanje. Grupu Energija trenutno čini 14 udruženja: Centar za ekologiju i energiju (Tuzla), Ekotim (Sarajevo), Centar mladih Livno (Livno), Eko-Leonardo (Priboj), Tolerancijom protiv različitosti (Doboј), Zeleni Neretva (Konjic), Eko ZH (Široki Brijeg), Centar za održivi razvoj (Martin Brod), Eko-pokret Zelenih (Ključ), FONDEKO (Sarajevo), Ekološki pokret (Zelenkovac), Eko Forum (Zenica), SARA (Srebrenica) i Centar za životnu sredinu (Banjaluka).*

#### Za više informacija:

<http://www.unep.org/wed/2009/english/>